

U SINDBAD

HUMPHREY BLAH

(1994)

Acc No- 9265/8
Class No. 895.93.B.56.Sm
Author Balah, H
Title Le Sinbael

Borrower's _____ Due Date _____

Acc. No. 9265/8
STATE CENTRAL LIBRARY
GOVERNMENT OF MEGHALAYA
S H I L L O N G

1. Books may be retained for a period not exceeding **15 days** by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*

Help to keep this book fresh & clean

U SINDBAD

HUMPHREY BLAH

(1994)

**State Central Library
Government of Meghalaya
Shillong**

Ia ka Hok Tynrai la Tyngkai

La Mana Ban Aiwai

La Pynmih Bad Pynphriang da ki

"LALOO BROTHFRS"

Umsohsun, Shillong - I

La shon ha Lyngwiar Press, Mawkhair, Shillong

CHECKED

**State Central Library
Shillong**

U SINDBAD — NONGIAID DURIAW

La slem bah slem san mynba u Kaliph Harun Alrachid u synshar ia ka Bagdad, la don uwei u nongkit bhari uba kyrteug u Hindbad Waf la u Hindbad u trei shitom katno katno ruh pynban u iaisah hi ha ka jingduk tasam. U sngew halade shime! ba la tah shun ia u da ki blei ki dken ba un sah ha ka jingduk.

Ha kawei ka sngi kaba shit kyrang bha u ioh kawei ka song kaba heh bha bad u hap ban leit kit ia ka sha jngai bha Namar ba la kem ka thait u shong thiat noh ha trai uwei u dieng bah ba kah syrgeiw. Hangta ha jan don kawei ka iing dulan kaba heh bad ba itynnad bha. Napon jong kata ka iing riew ki jingrwai bad jingtem ba shongshit ba kita ki trai iing ki ia kmen ia sngewbha. Kane ka pynlong ia u Hindbad ban pyrkhat ba katba ki riewspah ki im ha ka kmen ka sngewbha, u baduk pat u shah teh kynjri ha ka jingduk bad jingim jinjar.

Ha phalor don uwei u nongap jong kata ka iing dulan. "Ka iing jongno phi bah kane kaba la itynnad sohsat", la kylli u Hindbad. "Katta phi la shong hangne ha Bagdad ruh phim pat ju la iohsngew ia ka kyrteug u Sindbad, u nongiaid duriaw ba la bna nam ka pyrthei? Kane kein ka iing jong u", la jubab u Nongap. "Nga ju ioh sngew kein ia ka kyrteug tangba ngam ju tip ba u shong hangne," la phai ktien u nongkit bhari, "wow

ka jingim ka iapher bak lbak mo seh hapdeng uba duk bad u riewspah. Katba u bapli uba duk u im ha ka jingduk ksew, u riewspah pat kum Sindbad u im ha ka pahuh pahai, ka suk ka sain bad ka shad ka kmen." Nangta namar ba u sngewsangsot la ka jingim u iam pangdohnud dohnam ryngkat ka jinglynniar ktang, u da tied la ka shadem.

Katba u Sindbad u dang ia bam ia dih bad ki lok u iohsngew ia ka jinglynniar bad kumta u phah khot ia uta u mraw apphalor ban kylli ia ka daw. "Mano ba lynniar katta katta", la kylli u Sindbad ia u mraw "U nongkit bhari phi kynrad," la jubab u mraw, "namar ba u sngew sangsot la ka jingim duk, u da niewtang ba maphi uba riewspah phi im ha ka suk ka sain bad ka jing-sngewbha katha ma u pat u shitom bad lanot ha ka jingduk jingkyrduh

Shi rukom u Sindbad u sngew bitar ban iohsngew ba don ki briew kiba bishni ia u hynrei ha kajuh ka por pat u sngew synei bad sngewlem ia uta uba pli u briew.

"Wan ialam ia u hangne," la ong u Sindbad, "khnang ba un ioh bynta lang ha miej bam jong nga" Kumta u mraw u leit bran bran bad iathuh ia u nongkit bhari ba u Sindbad u phah khot ia u khnang ba un ioh bynta lem ha kata ka khawai ka dawai.

U Hindbad u la kmen hynrei u sngewrem pat ban leit namar ba ki jain ki nep jong jong u ki jot bad sa ka song ruh un dang hap pynpoi. U mraw u kitkhlieh ba u Sindbad un ym sngew eiei bad ba ia kata ka jingkit yn sa phah buh da uwei pat Joit ieng u Hindbad bad bud ia u mraw haduh ka jaka bam jong u Sindbad

Lyngngoh u Hindbad ban iobi ia ka kamra kaba la suit rong ksiar bad ki khiew ki pliang kiba da ka ksiar nylla suda. U ieng hangta bad u da khynniuh kab kab ba u sheptieng. "Ale bang, e hajan jong nga," la ong u Sindbad ia u Hindbad, u da thap ia u na ka tyrpeng bad pynshong ia u ha syndah jong u. Ki shakri ki pyndap ia ka pliang u Hindbad da ki jingbam bapher bapher bad u Hindbad u bam ha ban da kdang namar um sngew lehrain shuh U Hindbad u pan map da ka jingsngewrit ba u la kum kren pynmong ia u Sindbad.

"Em paralok," la jubab u Sindbad, "ngam sngewmong ei ei ruh.

Mynta nga kwab ban pynshai ia ka jingbysmsngewthuh jingmut jong phi hapdeng u riewspah bad u riewduk. Ka jingim jongnga mynshwa kam shym la long kaba suk hynrei kaba dap da ki jingeh kiba laiphewjait. Nga la iaid na kajuh ka lynti jong ka jingduk bad jingkyrduh bad man ka sien nga laia tyngkhuh ia ki jingeh kiba triem bad shykhei

hynrei nga la iaishah bad ialeh tynggeh ryngkat bad ka jingtrei shitom bad mynta nga la ioh ban kheit ia u soh jong ka jingsuk bad ka spah. Khnang ban pynshisha ia kane nga kwah ban iathuh ia phi baroh kiba ia-shongbam hangne ia ka khana jong ki Hyn-niew tylli ki jingiaid duriaw jong nga bad kine kin sakhi ba ka jingong jong nga ka long kaba shisha. "Phi kwah em ba ngan iathuh", la kylli u Sindbad ia kita baroh. "Hooiid, hooiid ngi da thrang ban iohsngew, sngewbha ban iathuh," la jubab kita ki nong iabam ryngkat bad u Hinbad de. Kumta shwa ban sdang ka khana, u Sindbad u ong ia u mraw ban leit pynbuh ia kata ka jingkit jong u Hindbad sha ka jaka ba ka dei ban poi, bad nangta u Sindbad u sa sdang ia ka khana ba Nyngkong jong u kumne:-

Ka jingiaid duriaw ba nyngkong

La mang kyrpang ia nga ka spah shwa ba i Papa in khlad bad kumta hadien ba i la khlad nga la long u trai. Nga la khilai ia ki paralok ha ka kmen ka sngewbha hynrei tang hapdeng khyndiat por nga la ngiah. La slem bah nga la ju don ka jingangnud ban iaid duriaw bad ban khaii pateng. Kumta ha kawei ka sngi nga la thied katto katne ki tiar ki tar khaii bad ia leit lang bad ki mahajon khaii da ka jhad sha ka Indian ocean.

Ha kane ka jingleit ngi la sangeh ha

bun ki kad-lieng ban khaii. Ha kawei ka sngi ka jhad jongngi ka poi harud kawei ka dewlynnong. Shi kynhun ki sailor ki ia leit kiew sha kata ka dewlynnong da ki lieng rit bad leit peit kai. Nga ruh ryngkat bad ki para nongkhaii ngi ia leit da kawei pat ka lieng rit. Kata ka dewlynnong kaba len len bad ym don dieng don siej ha ka.

Kaba lyngngoh ka long ba ymdon brierw ne mrad ryngkew ha ka. Ki shu don kai katto katne ki sim bad tang khala khala ki her noh soit. Kaba kham pynlynngoh shuh shuh ka long ba ym don maw ne shyiap ha ka. Hamar ka por ba ngi mut ban mih noh khie ka jingkhynniuh kaba jur bha sriem kum u jumai bah. Namar ba ngi la tieng kumta ngi la ia lyniar ba yn phah lieng rit ban wan shaw ia ngi. U Kaptain jong ka jhad uba ioh sngew ia kata ka jinglyniar u phah mar mar katto katne ki lieng rit ban wan shaw. Baroh baroh ki la ia kiew ha ki lieng rit bad nga ruh ha ka por ba nga her ban kem ia ita i lieng kynda ngam kysan kata ka dewlynnong jlang shapoh duriaw bad nga pat nga shu per halor um bad tang shen shen la kit ia nga da ki dew kiba itriem sha jngai bak lbak.

Katba nga dang pyrshang ban jngi la kynting shuh shuh ia nga da ki dew ba itriem sha jngai shuh shuh bad mynta nga sngewthuh ba ka jingim jongnga ka don ha ka jingma kaba khraw. U Kaptain jong

ngi u nang mut ba nga la iap bad kumta u pyniaid ia ka jhad khlem da ap shuh ia nga. Hynrei jait ba ym pat dei hi ban iap, nga ioh kem ia kawei ka dieng lyngkhot ba heh bad nga sdien ha ka rdin bad nga leit poi pat sha kawei pat ka dewlynnong ba kham jngai. Nga par jubor justi bad mar ia poi ryngkew nga shu thiah ltar ba la thait palat. Ynda nga la kham ioh bor nga khie bad ieng. Nangta nga iaaid sharum shaneng bad lap ia ki sohkhlaw. Mynta namar ba nga la ioh ban bam nga iaaid sha ka phang ba don ka madan phlang jyrngam bad kham sha pajih khyndiat nga ioh i ia uwei u kulai ba dang bam phlang. Ka jingdon kulai hangta ka ai mynsiem ia nga ba imat don ba shong briew ha kane ka dewlynnong. Mynta nga sngewthuh ba kato ka dewlynnong ba mynshwa kam dei ka dewlynnong ba shi-sha phewse dei u 'kha whale ba radbah ba u wan syaid sngi bad ba u leit noh.

Mynta nga iaaid shajan uta u kulai bad thap ieit ia u na ka met. Katba nga dang leh kumne wan mih kynsan uwei u briew bad u ong, "phi dei uei bad nangno phi wan"? "Nga dei u Sindbad bad nga don tang marwei," "nga la jubab." Bad nangta nga sa iathuh lut ia kaei kaba la jia. "Phi pat phi dei i ei? nga la kylli. "Nga dei u nongsumar kulai jong u Syiem Mirage, u kynrad jong kane ka dewlynnong", jubab u ta u briew, "ia ngan leit pynithuh ia phi bad u syiem." Da ka jingkmn nga leit bad u

syiem ruh u sngewbha shibun ia nga. Hadien ba nga la iathuh lut ia kaei kaba la jia, u syiem u ong. "Sah noh hangne bad ngi tad haduh ba phin da ioh lad ban leit phai. Shong ba iing syiem bad ngan ai ia phi ka kamra ba kyrpang bad ngan pynbiang manga ia ka bam ka dih baroh."

Nga pynpaw ia ka jingsngewnguh jong nga na ka bynta ka jingpdianng sngewbha jong u syiem. Nangta man ka sngi nga leit kai sharud duriaw bad ia kynduh ia ki nongkhaii ba pher ba pher bad nga peitthuh ia ki tiar ki tar ba ki iadie iathied. Nangta nga rai ban leit khaii sha ki dewlynnong ba markhap.

Ha kawei ka sngi nga leit poi ha kawei ka dewlynnong ba markhap. Ha kane ka dewlynnong man ka miet ha ka por shiteng synnia ju iohsngew ia ka sur jong ki ksing bad ki jingrwai ba pher ba pher kiba sngewngiew. Dei ha kane ka dewlynnong ba nga iohl ia ka wei ka dohkha kaba 120 phut ka lynter.

Kane ka dewlynnong jong u syiem Mirage dei ka kynja kadlieng bad kumta ki ju wan poi ki jhad khaii na ki jaka bapher bapher. Ha kawei ka sngi nga leit sha rud duriaw bad nga iohi ryngkhat ia ki song khaii ba don ka kyrteng jongnga. Tang mar iapeit nga ithuh ba ki dei ki mar jongnga ba nga pynkit ha kato ka jhad ba nga shah ieh. Hang-

ta nga leit kiew sha ka jhad bad ia kynduh ia u Kaptain. Une u Kaptain u la kmen shibun eb ba nga dang im bad kumta u ong ia nga ban leit phai biang sha shnong da kata ka juh ka jhad. Nga dap da ka jingkmén.

Da ka jingkmén nga leit sha u syiem ban iathuh ba nga la lap biang ia ka jhad la jong bad nga ong ia u ba nga kwah ban leit phai noh sha iing. U syiem ruh u phah da kaba sngewbha, u da ai sngewbha ia nga da ki tiar ba kordor. Nga ruh nga ai kylla ia u da ki tiar jong nga kiba phylla bad u syiem u la iapngiah ia ki. Shwa ba ngan mih u ong ia nga ba nga dei ban wan jngoh ia u lada nga foi biang sha kane ka jaka bad nga ruh nga kular ban leh kumta.

Shwa ban kiew ha ka jhad nga thied ki tiar ki tar na kata ka dewlynnong khnang ban khaii artat artat lynti. Nga iohnong shibun shah ha kane ka jingleit ba nyngkong jong nga. Da ka spah ba nga ioh na kane ka jingkhaii nga thied kawei ka iing kaba heh bad kaba itynnad bad naduh kata ka por ka pisa ka sdang ban wan tuid sha nga lyngba ka jingkhaii.

Bad mynta kein paralok, ka khana jong ka jingleit ba nyngkong jongnga ka la kut, "la ong u Sindbad, "bad ynda phi wan pat lashai ngan sa iathuh ia ka khana ba-ar."

Nangta baroh baroh ki leit phai noh sha
 ki iing ki sem ki da kular ban wan biang
 ha ka sngi ba bud. U Sindbad u ai kawei
 ka muna kysnit kaba heh ba la pyndap mam
 da ki pisa ksiar ha u Hindbad bad u ong
 ia u ba u dei ban wan biang ha ka sngi
 babud. U Hindbad u demngon da ka jing-
 sngewnguh bad u kular ban wan khlem
 artatien.

Ka jingleit Duriaw kaba - ar

Hadien ba nga la iohmad ia ki jingeh
 ha ka jingleit kaba nyngkong, nga la mut
 ban shongduh noh ha Bagdad namar ba nga
 la kham ioh kham kot. Hynrei tang ha-
 pdeng khyndiat por nga la ngiah noh ia ka
 im suk im sain bad nga rai ban leit biang
 sa kane ka sien kaba - ar. Ynda nga la dep
 thied ia ki mar ban khaii nga ia synrop
 biang bad ki para nongkhaii bad poi biang
 sha duriaw.

Ha kane ka sien ngi iaid khaii ha ki
 bun ki dewlynnong. Khatduh ngi poi ha
 kawei ka dewlynnong ba itynnad bha bad
 ngi hiar ban leit peit kai. Ki sohthiang ha
 harrukom kiba bang bad shngiam ki don
 byllien hangta halor ki dieng. Ngk kheit ia
 ki bad bam ha ban da hun jrut. Hadien kata
 ngi thiah kai ha ki syrngiew dieng namar
 ba shit eh ka sngi. Nga pat nga thiah mar-
 wei kham pajih ha iwei i law bniap ba la
 tap da u phlang uba jem mom mom. Tang

hapteng shi minit nga leit khmat jlang bad
nga ioh thiah kumba iap. Ynda nga kyndit
nga sbem ba nga sah tang wei briew bad
baroh ki la leit bad ka jhad ruh ka la leit.

Mynta nga ngat sa ka-wei pat ka soh-
sat. Kaba pynngiew ia nga ka long ba ym
don briew ba shong ha kata ka dewlynnong.
Wat la katta ruh ngam duh jingkyrmen.
Nga iaid da ka jingshlur sharum shaneng
jong kata ka dewlynnong. Ha kata ka jing-
iaid jongnga nga lap ia kaei-re-kaei kaba
lieh bad ba heh ldain ba la tep shiteng ha-
poh shyiap Ka dur jong ka ka long kaba
pyllun bad ba jlih phloin phloin. Nga mut
ba ka dei ka iing bad kata ka bynta ba
nga iohi dei ka tnum bad kumta nga pyr-
shang ban kiew khnang ban lap ia ka jing-
khang ban rung shapoh hynrei nga syntuid phlar
shi phlar man ka sien ba nga kiew. Katba
nga dang pyrshang biang. dum kynsan ka
suin bneng bad ka kah ia ka sngi. Nga
khmied bad peit bad nga iohi pynban da ka-
wei ka sim kaba radbah kaba wan her sha
ka jaka kaba nga don bad hangta nga khyn-
niuh kap kap da ka jingtieng.

Kane ka sim ba radbah dei ka sim Roc.
Nga la ju iohsngew ia ka khana shaphang
jong ka na ki para nongkbaii hynrei ngam
pat ju iohi da la ki khmat. Kane dei ka
sien ba nyngkong ba nga iohi. Mynta nga
sngewthuh ba kata ka iing balieh ba la tep
shiteng ha u shyiap dei ka pylleng jong ka

bad kata ka jaka dei ka skum jong ka, hangta nga triem naduh khlieh haduh kjat,

Ban phet ruh ym long shuh namar kane ka la hajan. Kumta nga rieh khop ha syndah jong kata ka pylleng bad nga duwai artat ba kan ym iohi ia nga. Ynda ka la hiar bad kdup ia kata ka pylleng, nga tur shajan ka met jong ka bad nga sah bangta da ka jingtieng baroh shimiet.

Mar ia kynjat shai nga pyrkhat kumno ban leh khnang ban ioh phet nangta. Nga tip ba kan sa leit wad jingbam sha kiwei pat ki dewlynnong Kumta nga teh da ka jainspong na ka kjat jong ka bad ia lade pat na syngkai khnang ba ynda ka her kan kit lang ruh ia nga.

Nangta ka her thiaw tang shu shai myn-step bad ka hiar ha kawei ka dewlynnong. Markumta nga law pynkloi ia ka jain teh bad tang khala khala ka her biang thur bad u bsein uba heh kat u diengksch ha shyntur Mynta nga shem ialade ba nga don ha ka them kaba ha khap ki lumbah. Nangta nga iaaid sharum shaneng bad nga shem ba nga iaaid halor ki mawlynnai kiba rit bad ba heh kiba thaba da ki rong bapher bapher. Don na kita ki mawlynnai kiba heh kat ka khlieh jong nga Ha kajuh ka por nga iohsngew ruh ia ka jingpyrsad jong ki bsein kaba syriem ia ka lyer kaba tan. Kine ki bsein ki rieh hapoh ki khap mawsiang. Mynta nga sngew-thuh ba nga don ha ka them mawlynnai.

Dei kane ka jaka ba ki nongkhahi na kylleng kylleng ki juh poi ban tam mawlynnai. Nangta nga tam ia kita ki mawlynnai bad nga thep hapoh ki pla haduh ban da shlei mam. Nga tip ba mynsngi ym don jingma namar kim nud ban mih ba ki tieng ia ka sim Roc.

Shwa ba kan dum artat nga rung ha kawei ka krem bad ynda nga la dep kynroh bha khnang ba ki bsein kin ym ioh rung mynmiet, nga sa thiah suk kynjai baroh shi miet.

Nga mih ynda ka sngi ka la shit namar nga tip ba kim nud ban mih mynsngi bad hangta nga iohi ia ki lyngkhot doh kiba heh ba la saphriang kylleng ka them. Nga sngewthuh ba kane dei ka buit jong ki nongkhar mawlynnai namar ba ki tieng ia ki bsein bad kumta ki shu pyntyllun na lum sha them ia kita ki lymbong doh khnang ba ki mawlynnai kin snoh ha kita ki doh bad ynda wan ki pukni ba radbah kin sa rong ia ki sha la ki skum bad kumta ki nongkhar mawlynnai kin sa leit ban shim na kita ki skum.

Mynta ba nga la tip ia kata ka buit, kumta ynda nga la teh ia lade ha kawei na kita ki lymbong doh nga thiah lyndang bad tang khala khala uwei u pukni ba radbah u rah ia kata ka doh bad ia nga de sha la ka skum. Katba nga dang dem hapoh ka tdong jong uta u pukni, wan katto katne ki nongkhar. mawlynnai bad ki pynma ia u da ki

jingsawa kiba jur bad shen uta u pukni u her noh bad kita ki briew ki kiew halorka skum bad lap ia nga. Uta u briew uba kiew u kyndit ba u lap ia nga, U nang mut ba nga wan ban tuh mawlynnai. Hadien ba nga la iathuh ia kaba la jia baroh hangta u sa ngeit bad ynda ngi la ia hiar nga ai ia u uwei u mawlynnai u ba heh bha bad u shim da ka jingkmén. Nganta nga leit lang bad kita ki nongkhái, ngi da ia kiew ia ki lum kiba jrong bad ki riat bad nangta sa ki them bad ki wah bad khatduh ngi poi ha kawei ka kadlieng kaba jan bad nangta nga sa kiew da ka jhad bad leit Balsora. Ynda poi hangne ngi ia khlad la ka lad ka lad bad nga pat nga kiew da ka jhad kaba poi sha Bagdad.

Ynda nga la poi ha Bagdad nga shong aram ban panklet ia ki jingshitom ba nga la shah. Ka spah ba nga ioh na kane ka jingleit ba-ar ka long kumba shiphew shah na kiba mynshwa. Hadien ba nga la iarap ia kiba duk ba suk bad ia kito kiba donkam ia ka jingiarap pisa nga sa thied kawei ka iingdulan kaba heh bad ba itynnad. Bad mynta la kut ka khana jong ka jingleit ba-ar jong nga bad ynda phi wan pat lashai ban ia bam ia dih biang bad nga, ngan sa iathuh sa ia ka jingleit kaba lai Shwa ban ia khlad, u Sindbad u ai biang ia u Hindbad i muna dong ba la pyndap shispah tylli ki tyngka pliah rupa. U Hindbad u leit phai sha iing da ka jingkmén.

Ka Jingleit kaba lai

Hadien ka jingleit kaba ar, nga la rai ba ngan num mih shuh na Bagdad. Hynrei sa shisien pat ka jingkhoh jong ka duriaw ka sawa pat ha ki tyngdong shkor jong nga bad ngam banse ban leit namar ba nga dang don ha ka jinglong samla ha kaba ka snam ka dang khluit ryngkat bad ka jingkut jingmut ban thom ia ki jingeh ba ngan ia kyn-duh ha ka jingim.

Kumta sa shisien pat nga thied ki tiar ki tar bad leit khaii da kaba ia synrop lang bad ki para nongkhaii kumba mynshwa. Ha kane ka sien ka jhad ka iaid kham sha jngai shuh shuh ban ia ka ba mynshwa bad ka jingiadie ia thied ruh ka iaid bha artat artat lynti.

Ynda ngi la mih kham jngai na kawei ka kad lieng, khie kynsan ka eriong erngit kaba jur bha bad ka kit ia ka jhad sha kawei pat ka lynti haduh ba u kapten um tip shano u poi. Khatduh da ka jingbym banse u Kapten u pyurung jubor ia ka jhad ha kawei ka kadlieng jong kawei ka dewlynnong U Kapten u iathuh ia ngi ba don ki Khyn-dai khup kiba shong ha kane ka jaka. Kine ki symbai jingthaw dei kiba triem bad shyrkhei namar ba ki ia bun paid bad ba ki tiar ia khun jong ki ruh kiba shyrkhei.

Lada jia ba kine ki wan ngin don ha

ka jingma kaba khraw. Ban leit phai ruh
ym long namar ka eriong ka jur palat bad
lah ban ngam ka jhad. Kumta ngi sangeh
ha kata ka kad lieng.

Thik kumba ong u Kapten wan mih ki
khyndai khup da ki phew spah kiba ka dur
ka dar jong ki kaba i triem syriem kum ki
boit ksuid. Ki kiew ha ka jhad bad ngim
nud ban ialeh bad ki. Hadien ba ki la ot ia
ki tyllai ba ngi teh ia ka jhad, ki pynbor ia
ngi ban hiar na ka. Nangta ki rah ia ka
jhad jong ngi bad ki iehnoh ia ngi hangta.

Mynta ngi ia kynduh sa kawei pat ka
jingma kaba kham triem. Katba ngi dang
ia shang wad jingbam ngi lap pynban kawei
ka dulan kaba heh ldain. Ngirung hapoh
bad ngi poi ha kawei ka kamra kaba heh
bha. Ha kyndong jong kane ka kamra don
shibun bah ki shyieng briew. Don ruh kawei
ka dpei ding kaba heh bah bad ki narsuh kiba
nep har har. Katba ngi dang lap miet ka
peit kai poi kynsan uwei u Akjakor uba jrong
kham palat ban ia u dieng snepkor. Ka
khlieh jong u kaba kat ka top um bad ki
bniat kiba nep bad ba heh kat u sdie. Une
u jingthaw u don tang kawei ka khmat ha-
pdeng shyllang mat kaba heh kat ka ball
shi nunbar bad ba saw triet treit kum ka
ding. Ki shkor jong u ki heh la jan kat
ka trap bad ki tyrsim ki syriem um ki jong
u Pukni. Bun ki iapler tang shu iohi ia u.

U kem nyingkong ia u kapten kumba kem sim namar ba u kham sngaid. Nangta u suh kyndang da u narsuh bad u syang ha ding bad badien katto katne por u sa bam ia u ha-khmat jong ngi tang hapdeng khyndiat minit. Kane ka jingjia ka pyntriem ia ngi baroh naduh khlieh haduh kjat bad ngi tip sa iano un kem. Donbok ba u tang shu dep bam u dem kai bad tang shipor u iohthiah kumba iap u da syngkhor kumba riew u pyrthat. Ynda mynstep u peit liep ia ngi bad u mih noh. Hadien khyndiat por ngi ruh ngi mih ban leit wad sohkhlaw bad ynda la kem dum ngim banse ban wan phai namar ba jyllei ki bsein kiba heh kat ki dieng kseh bad kiba shu nguid tylli ia ki bried.

Mar iapoi ma ngi wan poi u Akjakor dngung. U kem niat sa uwei kumba leh ia u Kapten bad ynda la dep bam u sa thiah ngai lyngai. Ki sngi ki iaid kumre haduh ba ngi sah sa tang khyndiat.

Ban lait na ka tyngam jong une u mræd kynsha, ngi leit mynsngi sha rud duriaw bad ngi shna bun tylli ki bur da ki dieng tylli. Ha kawei ka miet hadien ba u la bam bad iohthiah, ngi thang ia kita ki narsuh ha ding ha ban da saw Mar ia kynjat shai ha ka por ba u dang thiah ngi ngi sbim mar uwei uwei u nar saw bad ngi dung na ka khmat jong u bad mar ia dep dung ngi her krad sha rud duriaw bad ngi kiew ha ki bur bad ngi pynher. Ngi lah ban iohsngew kyndiang ia ka jing-

lyniar jong u. Nangta u mih bad her ruma shabar ryngkat bad ka jinglyniar. Nangta poi ki paralok jong u nalar lum. Ki shim da ki mawsiang bad kawang ia ki bur ba nga shong. Bun ki paralok ki iap na ka jinglynsher mawsiang bad tang arngut na ngi ngi lait da ka said.

Hadien bun sngi ba ngi khawa da kita ki bur ngi sa poi ha kawei pat ka dewlynnong. Mar ia poi ryngkew ngi iohthiah ba la thait bad la tlot. Ynda nga la kyndit nga shem ba uta u paralok u la shah nguid ha uwei u bsein radbah uba thiah lped hangta hajan. Nangta nga her krad bad rieh hapoh kawei ka krem nga da kynroh bha da ki maw bad hangta nga thiah baroh shimiet. Ynda shai mynstep nga leit sharud duriaw nga mut ban shu nohiap noh ban ia ka ban im saja. Hynrei jait ba dang bun la u khaw nga iohi liak ia ka jhad Ryngkat bad ka jingkyang nga law da ka jainspong bad kaweh kum ka lama. La iohi bad iohsngewia nga bad kumta uta u kapten jong kata ka jhad u phah da iwei i lieng kynda ban wan shaw ia nga.

Ynda nga la poi ha ka jhad, u Kapten u isynei ia nga ba ki jain ba nga phong ki la jot ryujain nalorkata sa ka jingraikhoh ba ngam shym ioh bam ioh dih thikna la bun bun sngi. Kumta u ai da ki jain ba bha bad u ai ka jingbam kaba kynsai. Nangta nga sa iathuh lut ia u ia ki jingjia baroh ba nga iakynduh.

Kata ka jhad dei ka jhad khaii bad shen shen nga la lah ban ia dei paralok bad ki para nongkhail ba don ha ka U Kapten dei u paralok ba iajan bha. Ha kawei ka sngi u ai ia nga katto katne ki tiar ban khaii bad u ong ba un siew dor ia ka ia ka jingiarap jong nga.

Ynda nga la peit bha ia kita ki tiar nga shem pynban ia ka kyrteng 'Sindbad' ba la thoh ba kita ki song khaii. Nangta nga kynmaw khlek ba nga la ju iohi ia ka dur jong nne u Kapten haei re haei. Mynta nga thikna ba une u Kapten dei uto uba niah ia ka jhad ha ka jingleit duriaw kaba ar ha kaba nga shah iehnoh wei briew ha kawei na ki dewlynnong katba ki mar ki mata pat ki sah hapoh jhad

Mynta ha ngam don jingartatien shuh, kumta nga leit mar mar ban ia kynduh ia u Kapten bad nga ong, "Imat phim kynmaw shuh mo Kapten ia nga bad ba kine ki mar dei ki jongno?". Hangta u Kapten u ong, "Kine ki mar ba nga ai ia phi dei ki jong u Sindbad uba la jah ha ka jingleit duriaw kaba kham mynshwa ha kawei ka dewlynnong Ngi lap ba u la jah hadien ba ka jhad ka la laid jngai bha bad ban leit phai pat ruh ym long shuh namar ka jingjur jong ka eriong erngit kaba la palat than bad naduh kata ka por ngam tip shuh aiv ka jia ia u bapli u u Sindbad

Nangta nga sa ong, "Dei ma nga kein uto u Sindbad ba la jah." Nangta da ka jingkmén u kdup bad u doh u dait ia nga.

"Lada phim shym la batai," la ong u Kapten. "ngan ym jin da la ithuh shuh ia phi namar phi la kylla dur." Bad nangta u sa ai lut ia kita ki tiar jong nga, u da ong ba nga lah ban leh katba nga mon.

Da kita ki tiar nga khaii na kawei ka Kadlieng sha kawei pat bad tang hapdeng khyndiat por nga la lah ban kamai bad ioh nong haduh katta katta. Ym tang ba nga la ioh shibun ka spah hynrei nga la iohi ruh bun bah ki jaka bapher bapher bad ki jing-iohi ba khyllah bad sah kynmaw, Napdeng kine ki jingiohi nga la iohi ia ka Dkar kaba jrong 12 pruh bad uwei u jait mrad um u ba radbah uba syriem ia ka Ut,

Khatduh ngi wan phai sha Balsora bad ynda nga la poi ha Bagdad, ki muna dong pisa rupa bad ksiar ki shlei mam haduh ba ngam nang shuh ban pyndonkam.

"Bad mynta kein lok la kut ka khana jong ka jingiaid duriaw jong nga kaba lai", la ong u Sindbad, "bad ngan sa bteng pat sa ka jingleit kaba saw jong nga ynda phi wan biang lashai ka sngi."

U Hindbad dei uba nyngkong napeng barok bun kular ban wan biang bad hadien

ba u nguh ngon u sa leit phai sha iing da
ka jingkmén namar ha kane ka sien ruh u
Sindbad u la pynkham biang sa kawei ka
muna kysit ba shlei mam da ki tyngka rupa

Ha ka sngi ba bud u Sindbad u sdang
biang ia ka khana kaba saw jong ka jingleit
duriaw hadien ba ki la ia lah bam:—

Ka jingiaid duriaw kaba saw u Sindbad

Hadien ka jingiaid duriaw kaba lai nga sah
ha Bagdad tang shi por ar por bad nangta
nga rai ban leit duriaw biang. Ynda nga la
thied ia ki tiar ki tar ban khaii nga kiew
ha ka jhad ryngkat bad ki para nongkhaii

Ha kane ka sien ngi sniew bok naduh
ba sdang namar ba tang shu poi hapdeng
duriaw khie ka eriong erngit bad ka lynsher
ia ka jhad ha uwei u mawsiang bah haduh
ban da pra. Bun ki ngam jyllop ha um,
katba nga pat bad ki katto katne ki para
nongkhaii ryngkat bad katto katne ki sailor
jong kata ka jhad ngi sdien rdien ha ki maw-
siang haduh ban da thanda ka lyer

Nangta ngi kynrup ia ki dieng lyng-
khot ba pait na ka jhad bad snoh ha ki tad
haduh ba ngin da poi ha kawei ka dewlyn-
nong ba marjan Ynda ngi la kiew ryngkew
wan mib shi kynhun ki Negro bad ki ialam ia
ngi sha ki iing trep jong ki kumba niah ia
ki langbrot. Nangta ki pynham ia ngi da ki,

jbur kynbat aiu re Bun ki bam namar ba ki thngan, katba nga pat ngam treh namar nga iohi ba ki trai kim bam. Baroh kito ki-ba ia bam ki kren ki khana shong shit syriem kum kiba la buaid Hadien kata la pynbam ia ki da ka ju kaba la shet ha ka khlein. Namar ba ngi la shah thngan, kumta bun na ki lok ki bam haban da kdang pura, katba nga pat nga bam antad namar ba nga sdang ban suba sniew ia kita ki Negro. Tang hapteng khyndiat sngi kita ki paralok ki la ia sngaid bad bha met, katba nga pat nga sah kumjuh. Kita ki negro ki bam ia kita ki paralok jong nga. Ia nga pat kim salia namar ba ngam sngaid. La shah ia nga ban leit kat sha ba nga mon. Ha kawei ka sngi nga leit poi sharud duriaw jngai bah na ka shnong ba shong kita ki negro bad hangne nga lap katto katne ki briew kiba kheit sohmrit khlaw. Nga kren ia ki bad ki sngewthuh ia ka ktien jong nga.

Hadien ba nga la iathuh ia ki ia ka apot ba nga hap ki sngew synei bad ialam ia nga sha ka dewlynnong jong ki. La ialam ia nga sha u syiem bad nga iathub lut ia u shaphang kaei kaba la jia ia nga. U ruh u sngew synei bad u hukum ia ki shakri ban sumar bad peit ia nga. La ai jaka kaba kyrpang ba iing syiem bad nga lah ban leit ban wan katba nga mon. Kumta nga shang kylleng ka shnong bad nga iohi ba ki briew

ki shong kulai khlem jin khlem lakam. Wat u syiem ruh u leh kamjuh. Nga kylli ia ki balei ba kim pyndonkam da ka jin bad lakam. Ki ong ba kim ju tip shaphang kita ki tiar. Kumta nga thaw kawei ka jin bad uwei u lakam bad nga ai sngewbha ia u syiem nga da pyni kumno ban pyndonkam. U Syiem u la kmen shibun ia kane ka buit thymmai ba nga ai, u da ong ba u sngew aram shibun ban shong halor ka jin bad da kaba suk u lah ban pynphai ia u kulai kat shaba u mon da u lakam.

Nangta baroh baroh ki myntri ki kyrpad ia nga ban thaw lem ia ki, ki da kular ban siew dor katba nga oh. Kumta naduh kata ka sngi nga shu lapmiet lapiong ka shna jin bad lakam bad nga la ioh ruh shibun ka pisa na kane ka jingtrei.

Ha kawei ka sngi u syiem u phah khot ia nga bad u ong: "Nga sngew ba ma nga bad ki briew jong nga ngi la ioh jingmyntoi shibun nadun ba phi wan poi hangne bad kumta nga snaw ba ka dei ka kamram kam kynti jong nga ban ai nongkylliang ia phi da kaba pyniapoikha noh ia phi bad kawei na kiba ha iing jong nga.

Kane ka jingtyrwa jong u syiem ka syiem kumba tied ia nga da u nem-bah namar ngam don mon satia ban ia poi kha. Ban

kyrngah pat ngam shlan ba ioh u syiem un sngewsih. Kumta nga hap ban shu mynjur. Kata ka briew dei ka thei bha briew kaba don ka main syiem bad ba i bha mynsiem. Hadien ba la pyndep ia ki rukom niam baroh bad ba ngi la ia shong nga shem ba kane ka briew ym tang ba ka dei kawei na kiba bha briew tam hynrei ka mynsiem bad jing-long jong ka pat ki kham palat ban ia ka dur jong ka. Ngi ia im lang da ka jingsuk bad jingia ieid markylliang.

Hynrei hapideng kane ka suk ka sain ba nga la mad, kyndit kynsan ka ioh pang bad tang hapideng khyndit sngi ka khlad noh. Mynta nga sngew ba nga la duh ia ka kti kadiang bad ia ka nongai mynsiem ia nga. U tyoh iong jong ka jingsngewsih u tap dum ia ka jingmut jingpyrkhat jong nga. Kat kum ka dustur bad riti jong ki, ha ba u lok ne ka lok ka iap dei ban tep im lang ia i ba im. Nga kyrpad ia u syiem ban pyllait ia nga na kane ka dustur. Hynrei u syiem bad ka dorbar kim mynjur. Ki ong ba ym lah ban pynkhein ia ka dustur bad riti ba la buh. Kumta ngam banse ban shah katba ki pyniaid.

Ka jingleit on tep kaba i shong kun. U syiem, ki myntri bad kiba khraw baroh ki ia don lang. La buh artlyli ki synduk iap bym don jingtap. Ha kawei la pynthiah ia ka lok jong nga bad la pynriam pynbeit ia ka da

jain kordor ba la syrdoh da ki mawhira bapher bapher. Ha ka ryndang la pyndeng ia u kynjri ksiar ba la tynsat da ki mawkordor ba rem. Ha kawei pat ka synduk la pynthiah ia nga bad la buh hynniew tylli ki kpu bad shi khra ka um.

Kita ki hynniew tylli ki kpu dei ka jingbam na ka bynta jong nga shi taiew ryngkat bad kata ka um. Ynda ki la lut nga ruh nga la dei ban shu iap thngan. Ka jingtep ka don halor uwei u lum bah bad hapoh jong u don ka krem kaba jylliew bha bad ia ki synduk la shu pynhiar shata shapoh da ki tyllai bad ynda dep ki tap ia kata ka thliew na lor da ki mawbah ba shitom ban khyllie. Ynda la poi hapoh nga shem ba kata ka krem ka dei kaba heh tangba ka dum ngain ngain. Namar ba ngam kwah iap kumta nga mih napoh synduk bad iaid tare shane shatai ba ioh shu don jaka mih, hynrei lehnohei. Kumta nga rung biang hapoh synduk bad bam uwei u kpu bad nga sa dih bad ka um.

Ki sngi ki la iaid bad ki kpu ruh ki la lut, bad ka jingkyrmen ban im ruh ka la duh na ka mynsiem jongnga. Mynta nga shu ap sa tang ia ka por ban iap. Mar ia buh ia ka khlieh ha ka synduk, nga iohsngew ia ka jingsawa ba snaw pher Kumta nga kbie bad shong. Nangta nga iohsngew biang ia ka juh

ka rukom riew sa shiwat. Ha kata ka juh ka por nga sngew kumba don ba iaid. Nga mut dur ba ka lah ban dei ka kynja mrad aiu re. Kumta nga mih napoh sydduk bad iaid sha ka liang ba mih ka jingriew. Man ka sien ba nga iaid kata ka jingriew ka sangeh bad man ka sien ba nga sangeh ka riew biang, mynta nga sngewthuh shai ba dei ka kynja mrad. Kane ka wanrah biang ha nga ia ka jingkyrmen ba nga la duh. Nga pyrkhat ha lade ba lada kane ka mrad ka lah ban rung ha kane ka krem, dei ban don ka jaka mih na ei re na ei. Kumta nga bud dien sia shi sia ia kata ka mard da ka jingjar jar. Hateng hateng nga iohsngew ia ka jingpyrsad jong ka phia shi phia. Khatduh khatwai ka krem ka sdang ban shai malu mala bad suki suki ka jingshai ka nangtha- ba bad khatduh nga iohi ia ka jingshai jong ki kjat sngi

Da ka jingkmn kaba khraw nga iaid sha kata ka jaka ba la pongthliew bad nga shu par haduh ban da poi harud duriaw. Hamar kata ka por nga iohi ia u kynja mrad aiu re ba mih na kata ka krem bad noh shapoh duriaw. Mynta nga sngewthuh ba dei kane ka mrad kaba la pyllait im ia nga. Kata ka jaka tep dei kaba la jngai bak lbak na shnong bad ym don mano mano ruh ba shong ba sah ha kata ka thain.

Kumta nga her biang bran bran shapoh kata krem bad hadien ba nga la lum baroh ki mawkordor na ka synduk jong ka lok jong nga nga sa wan biang sharud duriaw. Nga ieng hangta harud duriaw da ka jingkyrmen ba ka jingiarap kan wan poi. Bad shisha tang hapdeng khyndiat por nga iohi ia ka jhad. Kumta nga pyrta kat lah kat iai nga da kaweh da ka jainspong lieh. Ym slem hadien kata wan poi i lieng kynda ban shaw ia nga.

Ynda nga la kiew ha ka jhad, u Kapten u kylli, "Kumno phi wan poi shane?" Nga pat ngam nud ban iathuh bok namar nga tieng ioh don ki trai shnong jong kato ka dewlynnong hangta, kumta nga shu ong ba nga poi na ka daw ka jingpait lieng. Ha ka juh ka por nga kyrpad ia u ban kit ia nga bad nga kular ban ai ia u katto katne ki mawlynnai lada un kit ia nga ha ka jhad jong u. U Kapten u ong, "Ngan leh aiu ia kita ki mawlynnai jong phi, - kbie leit sha kamra bam bad bam bad dih bad nangta sa thiah aram bad khlem artatien ngan pynpoi ia phi sha shnong. Nga sngew hun jrut ia ka jubab jong u bad nga ong 'khublei shi hajar nguh ia ka jingsbun jong phi.'

Kata ka jhad dei ka jhad khaii bad don shibun ki nongkhaii ha ka. Nga ruh nga khaii mywlynnai artat artat ki jaka sangeh

had nga lum ka spah ka phew haduh bym
lah ong shuh.

Khatduh ka jhad ka poi ha Belsora bad
nangne nga sa leit phai sha Bagdad. Ha kane
ka sien ruh nga la lum ka spah ka hajar
ka bym thikni thikna shuh. Ka iing jong
nga ka plie barabor na ka bynta kiba duk
batoi bad ngam ju pynleit thylli ia ki khlem da
ai jingiarap namar nga tip ba haba U Blei
u kyrkhu ia nga, nga ruh nga dei ban leh
bha ia kito kiba dawa ia ka jingiarap bad
nangta nga sa shong suk shong aram haduh
ban da jah ka thait ka jrem.

“Bad mynta ka kut ka khana jong ka
jingleit duriaw ba-saw jong nga bad ngan sa
bteng pat sa ka jingleit ba san lada phi ia
wan biang lashai ka sngi,” la ong u Sindbad.

Baroh baroh ki kular lan wan biang bad
u Sindbad u ai biang ia u Hindbad kumba
leh mynshwa iwei i muna kysit ba shlei mam
da ki tyngka rupa pliah. U Hindbad u leit
phai sha iing da ka jingsngewnguh

Ha ka sngi kaba bud baroh ki ia poi
biang bad hadien ba la dep bam dep dih u
Sindbad u sdang sa ka khana jong ka jing-
leit duriaw ka basan jong u kumne:—

Ka jingleit duriaw ka ba-san

Ki jingeh ba nga ia kynduh ba ka jing-leit (kaba saw kin; shym long ki diengpyng kiang ba ngan leit sa kawei pat. Kumta ha kane ka kynti ruh nga thied ki mar ki mata kham bun ban leit khaii biang ryngkat bad ki lok nongkhaii.

Hadien ba ngi la iaid bun sngi ngi poi ha kawei ka dewlynnong bym shong briew. Hangne ngi lap biang ia ka pylleng jong ka sim Rōc. Kane ka pylleng ka kham heh ban ia kaba mynshwa bad tangshu peit nga ithuh ba kata ka pylleng ka la long khun tangba kam pat shym pait. Ki lok ba nga ia leit lang ruh ki ithuh ba tang hapdeng khyndiat kynta kan sa pait hi.

'To ngin ia pynpait noh,' la ong uwei na ki. 'Wat leh shlur ho,' nga ong. 'namar don jingma lada ngi leh kumta.' Phi te uba la tieng eit sohsat,' la jubab uwei na ki. u da rkhe bein ia nga Bad shwa ba ngan khang tyngeh ia ki, baroh baroh ki sei la ki sdie bad pynpait ia ka Nangta ki sei bluit ia i khun sim bad syang ha ka ding ba la pynkhreh bad nangta ki ia bam baroh baroh. Ha ka por ba ki dang ia bam dum kynsan ka suin ngain bad ngi iohi ia ka kmie bad u kpa sim ba ki wan her shata

'Her kloi sha ka jhad lym kumta baroh ngin iap', nga la ong. Bad nga ruh da ka speed nga poi nyngkong ha ka jhad. U kap-ten ruh u pynher kloi ia ka jhad. Ym slem hadien kata, wan her kine bad uwei uwei u mawsiang bah ha ki tyrsim beit beit sha ka jhad jong ngi. 'Wow! Sindbad yn ia leh kum-no', la lynnier kita ki lok, 'imat kin sa lynsher ia ka jhad da kitei ki mawlong' Tang hapdeng khyndiat minit hap u mawsing ha-jan ka jhad bad nangta khie ka jingat phyllung kaba la jan kat u lum rit.

Tang hapdeng khyndiat second hap sa uba ar ha ka jhad kumba da thew bad ka jhad ka pait bad baroh ki ngam jylop ba la mynsaw. Bun bun kiba iap hajuh lait tang nga wei briew. Namar ba nga la mad ia ki jingeb, kumta ka khlieh ka thanda. Nga kyn-rup kawei ka dieng lyngkhot ba pait na ka jhad bad nga snoh ha ka. Nangta ki dew ba khie na ka jinglynsher maw ki kit ia nga bad nga shu per bun bun kynta ha duriaw Khat-duh ki dew ki bret ia nga ha kawei ka dew-lynnong ba marjan.

Nga thiah hangne shipor ba la jur ka thait. Ynda la iohbor nga ieng bad kheit snepkor bad nga bam bad dih ia ka um ha ban kdang. Nangta nga iaid kham sha pajih bad nga iohi ia uwei u tymmen uba shong harud kawei ka wah bad u shu peit seh ia

kata ka wah. Ka dur jong uta u tymmen ka paw kumba u pang bad itlot bha, kumta nga leit shajan bad nga ong: "Parad phim shait ne kumne - phi donkam jingiarap ei ei?". Um kren ei ei, u shu kohnguh khlieh kum ka dak jong ka jingkhublei. Nga kylli biang sa shi-sien bad ha kane ka kynti u shu pyni da ka kti ba u kwah ba ngan bah ia u sha shiliang wah. Kumta nga shu bah ia u nga da klan ia kata ka wah haduh ban da poi shiliang. Unda nga mut ban pynhiar um treh, u sdien rdin ha u pdot haduh ba tang ring mynsiem ruh shitom. Nga mut ban pynhiar jubor hynrei katba nga nang leh u ruh u nang bat skhem shuh shuh bad mynta nga sngewthuh ba um shym tlot hynrei uba khlain. Nangta nga sdang kem tieng Nga shong noh bhek ba thait hynrei uta pat u bat hi khait ia nga na ryndang khlem pyllait, u da kynjat tynggeh da ki kjat ba ngan ieng bad iaid Ngam banse ban ieng bad iaid u da pyophai ia nga kum ia u kulai sha ka liang ba den ki diengsoh bad u ong ba ngan kheit soh ba un bam.

U sdien knmne rdin bun bun sngi khlem da pyllait ia nga wat tang shi sekhon ruh. Ha ka por thiah mynmiet ruh u thain sbak na ryndang. Mynta nga sngewthuh ba une dei u ksuid tymmen bad khlem artatien un sa khniot iap ia nga ha kano kano ka por.

Kumta shwa ba un phniap ia nga, nga

rai ban pyniap shwa ia u. Ha kawei ka step nga kheit bun tyrjup ki soh. krep bad nga khem ia ka um ha ka sbai duriaw kaba heh bad nga buh ia kane hapoh niut kumba katto katne sngi. Ha kawei ka sngi nga leit peit bad nga shem ba ka la long kiad kumba nga kbmih lynti. Nga mad tiak bad nga da pyrhah artat. Uta u tymmen ba u la i kwah u pan bad nga nga ai. U shem ba ka bang bad kumta u dih lut baroh. Mynta u la sdang karom bad u kynthih ha ka met jong nga da ka jingkmn u da pyllait ia ki kti. Hamar kata ka por nga ioh lad bad nga lympat ia u syak ha madan bad nangta nga shim da u maw bad nga lynthem na ka khlieh haduh ba un da iap.

Mar ia lait na kane ka apot nga her wut sha rud duriaw bad donbok ba nga ia kynduh katto katne ngut ki sailor kiba wan kheit sohkreng nangta. Ki lyngngoh ban iohi ia nga bad ki kylli kumno nga wan poi sha ta, Nga batai lut khait ia kaba la jia bad ki ong ba nga donbok shibun ban lait na ka kti jong u, ki da batai ba uta u tymmen dei u 'suid duriaw bad um ju pyllait iano iano ruh tat haduh ba un da ioh ban khnoit iap ia kito kiba ngat ha u

Kita ki sailor ki ialam ia nga sha u Kapten jong ki. U Kapten u dap da ka jingisynei ia nga bad kumta u shah ia nga ban leit ryngkat bad u. Ngi ia iaaid bun bun sngi

bad ha kawei ka sngi ngi hiar ryngkew ha kawei ka dewlynnong. Kane ka jaka kaba shlei da ki dieng snepkor. Kumta nga ong ia kita ki paralok ban kheit da kine bad khaii artat artat lynti. Kita ruh ki ia mynjur. Bad kumta ngi sdang ban kheit katto katne, hynrei kam dei kaba jem ban kheit shibun. Nga iohi shibun bah ki shrieh ba shong halor ki dieng bad nga ong ia ki paralok ban kawang pyndom ia ki shrieh da ki maw rit bad phin sa iohi kan jia aiu. Tang shuleh kumta ki shrieh ki kawang kylla ia ngi da ki snepkor bad ngi sa ia tam suk bad kit ha ka jhad.

Ha ki jaka ba ngi sangeh ngi ia bujli ia ki snepkor bad ki musli musla bad teng teng bad ki mawkordor. Ynda poi ha Belsora nga die kylla ia ki bad kumta nga ioh pisa kha ma kha ha ban da jhor.

Sa shisien pat nga shong suk ha shnong nga da iarap ia kiba duk ba kyrduh Bad mynta la kut ka jingiaid duriaw ba san jong nga bad nagn sa iathuh pat ia ka jingleit ba hynriew lashai ynda phi la iawan biang

Baroh ki leit phai da ka jingkmén bad u Hindbad dei uba kham kmén namar u ioh rah sha iing sa kawei ka muna kynsit ba la pyn-dap da ki tyngka pliah rupa.

Ha ka sngi ba bud baroh ki wan biang
bad hadien ka jingiabam iadih nga sa iathuh
sa ka jingleit duriaw ba hynriew jong nga
kaba long kumne:--

Ka jingleit Duriaw kaba Hynriew

Hadien ba la dep ka jingleit duriaw kaba
san, nga shongthait kumba shi snem bad
nangta nga sa rai ban leit biang. Ha kane
ka sien ka jingleit ka long kaba jlan bha.

Ha kawei ka sngi khie ka eriong erngit
kaba la jur palat bad la kit ia ka jhad jong
ngi sha kawei pat ka lynti. Hynrei hadien
khyndiat por, da ka jingtnei shtom u Kapten
la lah pat ban wan rah pat ia ka jhad sha
ka lynti kaba dei.

Ym slem hadien kane, u Kapten u law
iala ka jainspong bad u tar ia ka u da kyn-
thih artat kum u briew uba lamwir. "Balei
balei Kapten jia aiu" nga la kylli. "Wow!
ko Sindbad!. Kane ka jhad ka la shah kit
ha ka lat lat duriaw kaba sbyrkhei tam bad
sa tang kumba 15 minit yn sa lynthaw ia ka
ha ki mawsing bah", la jubab u Kapten da
ka ba kyiuh. "Ani wow, aiu ngin leh kumta?"
nga lynnjar bad ha ka juh ka por nga sngewthuh
ba ka jhad ka her da ka speed kaba jur bha.

Shen shen hadien kata baroh baroh sngew thuhki don ha ka jingma. Kumta ki iamareh kulmar shane shatai bad ki ia pyrshang ban pynsangeh ia ka jhad hynrei ym lah ban leh ei ei ruh. Thik kumba ong u Kapten la lyasher ia ka jhad ha kjat u mawsiang bah. Donbok ba ym don ba iap ne mynsaw. Nangta ngi sa sei baroh ki mar bam mar dih bad rah ha ka jaka ba lait um ba don ha kjat jong uta u Mawsiang. Kane ruh dei ka jaka kaba ma namar ka um ka lah ban wan tap ha kano kano ka por. Ban kiew ia uta u mawsiang ruh ka shitom bha namar ba u jrong bad lada lah pat ruh kam myntoi namar sha lyn-det jong u pat don ka duriaw. Kata ka jaka kaba ym don soh ym don pai. Kumta ngi ngi shu iasam hyndiat hyndiat i jingbam bad khmih lynti ban sa iap ynda ka jingbam ka lut

Baroh baroh ki la duh jingkyrmen ban lait im, hynrei nga hi shimet ngam shym duh jingkyrmen. Nga rung shapoh kata ka jhad ba la pait bad nga lum katto katne ki mar bu i kordor bad nga buh bha khop ia ki. Nangta nga rung shapoh ki krem jong uta u mawsiang bad nga lap ba don shibun ki mawlynnai Nga lum ia kine khlem da iathuh briew namar nga ngeit ba ha kawei ka sngi ngan sa lait nangne. Nga ju peit thuh ia kita ki krem bapoh une u mawsiang man la ka sngi.

Ha kawei ka sngi nga rung ha kawei

ka krem kaba dum bad nga iohi ia i wahduid
ba tuid Ine i wah duid iba i phylla namar
ki wah baroh ki tiud sha duriaw hynei kane
ka wah pat ka tuid sha ryngkew Nga shu
dem pyrkhat sah ia kane ka wah ba hapoh
ka krem uta u mawsiang katba ha ka juh
ka por pat uwei u iap hadien uwei pat bad
ha kaba kut nga sah sa tang weibriew

Nga hi shimet ngam shym duna ka bor
namar nga nang ban bam khapnup bad ka
jingbam ka dang dap sa kumba katto katne sngi.
Ki sngi ki la nang iaid bad ka jingbam ruh
ka la sdang stait bad kumta nga pyrkhat sha-
phang kane ka wah rit bad nga ngeit ba
kan lam shano re shano. Kumta nga khien
duh, jia katba jia bad nangta nga lum katto
katne ki dieng na ka jhad bad nga shna
kawei ka bur. Ynda nga la lum baroh ki
tiar ki tar ryngkat bad kito ki mawlynnai nga
sa shong ha kata ka bur da ka mynsiem
khein duh

Ka dum ngain ngain bad katba kata
wah ka nang sam ia uta u lum bah mawsiang
ka jingdum ka nang kham jur kham jur Kane
ka wah ka sam lyngba ka thliaw kaba khim
bad kumta nga shu hap ban dem khnang ban
num tyngkhuh mawsiang Khatduh nga shu
hap thiah lyndang namar ba ka nang kham
khim Mynta kem sa ka tlot namar ba ym
don bam shuh bad nangta nga iohthiah jlang
kum uba iap namar ka jinglot, haduh ba

ngam tip shano nga poi.

Ynda nga kyndit nga iohi ia ka sngi bad nga shem ba nga don harud kawei ka madan phlang jyrngam bad sawdong jong nga ker tawiar ki Negro. Ki ia kren hynrei ngam sngewthuh ia ka ktien jong ki. Bad namar ba nga la kmen palat, nga dem bad ainguh ia u Blei ba u la pyllait im ia nga. Uwei na kita ki negro u iohi ba nga duwai, kumta u kren ia nga da ka ktien Arabic kumne, "Na ka jingduwai jong phi nga tip ba phi nang ban kren Arabic bad ngi ruh baroh ngi nang ia kane ka ktien namar ngi la ju shong mynshwa ha ka shnong jong phi. Ha ka jingshisha' ngi dei na kane ka shnong. Phi bha bok ba ngi iohi ia phi ha ka tur ha ka por ba ngi wan ban tih ia ka nur um kaba beh. Ngi ngeit phi la thngan bha, kumta ale wan bam noh shwa bad ynda dep bam sa iathuh ia ngi kumno phi wan poi shane"

Hadien ba kita ki paralok negro ki la ai bam ia nga, nga sa ioh mynsiem bad nangta nga sa iathuh lut khait kaci kaba jia ia nga. "Kata ka jingjia kaba sngew shoh mynsiem," ki la ong. "sngewbha ia leit bad ngi sha u syiem bad ngi ngeit ba u syiem un kmen ban ia shem bad phi."

Nangta la ialam ia nga sha ka nongbah jong kata ka dewlynnong kaba kyrteng ka Serendip. Hangne nga ia kynduh ia u syiem uba da ka khmat phuhsamrkhie u pdiang sngewbha ia nga. Nangta nga sa iothuh lut ia ki jingjia baroh naduh ba sdang haduh kumno nga poi hangne. U syiem u dap da ka jingsngewlem ia ki jingeh ba nga ia kyn-duh bad nangta u ong ia nga ba nga lah ban sah hangta ha shnong haduh ba ngan da ioh lad ban leit phai bad ha ka juh ka pur un pynbiang ia ki jingdonkam jong nga baroh, la ha ka bam ka dih bad ka thiah ka shong.

Hadien ar sngi nga leit ban ia kynduh biang ia u ban ai sngewbha katto katne ki mawbira kum ka dak jong ka jingsnewnguh.

“Khublei shibun eh, hynrei phim da donkam ban ai ei ei. Ka jingiathuhkhana ia ka jingshemlanot jong phi bad ki kam shlur jong phi ki la biang, bad ngan jin da la sngewbha lada phi shu thoh ia kane khnang ba nga dup ioh ban buh ia ka ha ka iing kynshew spah jong ka hima jong nga khnang ba kan sah pateng pakit,” la ong u syiem. “Ngan leh kumba phi kwah Paiem,” nga la la jubab. Kumta u syiem u phah khot mar mar ia uwei u riewstad jong u bad u ong ia u ba un thoh ia kata ka jingiaid duriaw jong nga da ki dak ksiar. Bad ynda la dep thoh la buh ia ka ha ka iing kynshew

spah jong u syiem kumba la hukum.

Mynta u syiem u la nang sngewbha sngewbha shuh shuh bad kumta u la hukum ia u rangbah jong ka iing syiem ban ialam kai ia nga kylleng kylleng ka hima jong u Ha kane ka jingleit ia id kai jong nga, nga shem ba kane ka dewlynnong ka jyllei da ki mawlynnai suda bad ki jingthung kiba ngam pat ju iobi hangno hargno katta katba nga la shang duriaw. Ynda nga la wan phai, ka jingkyrmaw iing jong nga ka nang jur nang jur bad kumta nga kyrpad ia u syiem ba un iarap ia nga ba ngan ioh leit phai noh sha Bagdad.

“Hooïd, nga la lah pynbeit ia ka jhad namar nga ithuh ba phi la kwah leit iing.” la ong u syiem, “tang ba ynda phi leit phin hap ban rah ka shithi bad ki jingaisngewbha jong nga sha u syiem jong phi, u Caliph Haroun Al rachid, u paralok ba leid jong nga.”

Nga pynpaw ia ka jingkmem ba nga ioh kum kata ka lad ban leh kyliang khyndiat ia u syiem. Nangta la thoh ia kata ka shithi sha u Caliph da ki dak kiba blue ba ka snieh mrad kaba kordor. Ha kane ka shithi u pynpaw ka jingsngew-leid jong u ia u Caliph u da tyrwa artat ia ka jingiadei paralok jong kine ki hima artyili.

Ki tiar ai sngewbha ki long kiba phylla bad ba kordor haduh katta katta. Kine ki kynthup ia ki musla musli iwbihi bad ki lyngkhot dieng iwbihi kiba ka jingsuhsieng jong ki ka pynsngewtynnad bad pyniapbiet ia kito baroh kiba don ha jan. Nangta sa ka khuri kaba jrong kumba shiphut ba la thaw tang na uwei u mawlynnai bad la thep hapoh jong ka da ki mawhira ba pher bad ba bun rong bad nangta pat sa ka snieh jong uwei u bsein uba pher bad ba lah ban pynkoit ia kano kano ka jingpang bad nangta bad kawei ka mraw samla na iing syiem kaba bha briew tam ba la pyniam pynkup da ki jain bakordor khnang ba kan shakri ia u Syiem Caliph.

Ia nga ruh u syiem u la pynkhung shi-bun ki tiar ba kordor bad u hukum ia ki briew syiem ban leit rah ia kita ki tiar sha ka jhad. Nga dap da ka jingsngewsih ban iakhlad bad ki ummat ki shu tuid ba nga sngewlung ka mynsiem.

Ka jingleit phai iing ka iaaid bha iaaid miat bad mar iapoi ha Bagdad nga leit nying-kong eh ban ia kynduh ia u Caliph.

Nangta sa ka khuri kaba jrong kumba shiphut ba la thaw tang na uwei u mawlynnai bad la thep hapoh jong ka da ki mawhira bapher bad ba bun rong bad nangta pat sa ka snieh jong u bsein ba phylla ba lah ban

pynkoit ia kano kano ka jingpang bad nador
jong kine la phah ruh ryngkat bad kawei ka
mraw samla ba bhabriew tam jong ka iing
syiem ban shakri ia u Caliph.

Ia nga ruh u syiem u la pynkhung shi-
bun ki tiar ba kordor bad leit ialam ia nga
sha ka jhad Nga dap da ka jingsngewsih ba
khrw ban ia khlad bad ki ummat ki shu
tuid khlem sangeh namar ba lung ka mynsiem.
Ka jingleit phai sha iing ka bha ka miat
khlem don jingwit jingwa ba lynti bad tang
shu poi ha Bagdad nga leit shi syndon ban
ia kynduh ia u Caliph.

Ka jingkmn u Caliph kaba palat ban
ioh shithi ryngkat bad ki jingaisngewbha na
u lok barim Haden ba u la peit ia ki mar
u kylli ia nga haduh katno ka ri u syiem
Serendip ka riwspah ?.

“Ka jingriwspah kaba ngam lah shuh
ban batai,” nga la jubab, nga tharai phin
num ngeit lada nga iathuh bi ia ka tnum
iing jong ka iing syiem la pyndait da ki phew
hajar ki mawhira ba bun rong nador kata u
don da ki hajar ki pansngiat ba la shna da
ki mawlynnai bapher bapher. Bad haba u
Serendip u leit ban jngoh ia ka hima u shong
ba ka khet ba la thaw kyrpang halor ka
met u Hati uba la pynriam pynbeit ba ka
rukum ba isbongkun bad nadien u syiem pat
bud ki myntri bad kiba khraw ka hima ba

shong halor ki hati bad ki da phong da ki jain silk rong ksiar."

"La biang katta, ym donkam batai shuh," la phai ktien u Caliph, "mynta nga la pei-phang haduh katno ka jingriewspah jong u bad mynta pat to ngin ia sngap sa ia ki kam shlur jong phi."

Kumta nga la iathuh lut phar ia ki jing-jia baroh kiba nga la mad ha kane ka lynti bad hadien kata u Caliph u pykhung shibun ki jingaisngewbha ia nga na ka liang jong u.

Bad mynta la kut ka jingiaid duriaw ba Hynriew jong nga bad ngan sa bteng biang lashai kumba ju leh bad ha kane ka sien phin sa iohsngew ia ka sien kaba hynniew bad ba khatduh artat jong ka jingleit jong nga. Nga ai ia ka muna dong ba ia pynshlei da ki pisa ksiar ia u Hindbad bad hadien ba u nguh u sa leit phai sha iing.

Ha ka sngi kaba bud baroh ki wan biang bad u Sindbad u sdang biang ban iathuh ia ka jingleit duriaw ba hynniew jong u kumne:—

Ka Jingleit duriaw kaba Hynniew

Ynda nga la poi ha Bagdad hadien ka jingleit duriaw kaba hynriew jong nga, nga la rai ban shong duh noh khlem da leit shuh, kawei na ka daw ba ka ryta ruh ka la nang

heh bad kawei pat namar ba nga la biang
 ka spah ka bazar bad nga la kwah ban shong
 aram noh da ka jingsuk. Hynrei kane ka
 jingthmu jong nga ka kylla khongpong. Ha
 kawei ka step wan poi u nongrah khubor na
 iing syiem u Kaliph ba nga dei ban ia kyn-
 duh ia u. Kumta nga riam nga beit mar mar
 bad leit sha iing syiem. "Phi la wan mo
 Sindbad," la ong u Kaliph, "nga kwah ba
 phin leh ia nga kawei ka kam namar nga tip
 ba dei tang maphi hi uba lah ban leh ia ka.
 Nga kwah ba phin leit pynrah ia ki jingai
 sngewbha jong nga sha u kum ka dak ka
 jingialong paralok jong nga ar hima" "Syiem
 kynrad" nga la, jubab, "Ngam sngewkwah
 shuh te phi ban iobi ia ka duriaw na ka
 daw ba nga la kwah ban shong aram noh
 bad nalorkata ka rta ruh ka la nang iaid,
 hynrei na ka bynta jong phi bad na ka bynta
 ka jingbha jong ka hima ngam banse ban leit"

U Syiem u la sngewbha baduh katta katta
 bad kumta la pynkhrch ia ka jhad na ka byn-
 ta ka jingleit jong nga. Ki jingai sngewbha
 u Kaliph ki kynthup ia ki tiar bad ki mar
 kiba kordor bad kine ki kynthup ia ka pliang
 kaba heh ba la shna da ka ksiar nylla bad la
 tynsat da ki mawlynnai ba bun rong, shijur
 ki jynthiah ba la thaw na ka jait dieng ba
 kordor bad ba iwbiu, u kuli dawai ba phylla
 ba la ju pyndonkam u Syiem Solomon, nalar
 kine sa ki jain ba kordor ba la thain kyr-
 pang bad ka Carpet jadu kaba lah ban kit

sha kano kano ka jaka bad ka shithi na u Syiem.

Ka jingleit ka long kaba sngewtynnad namar ka bneng kam shym pynthut ei ei ruh. Tang shu poi tiap, nga leit ia kynduh ia u syiem bad ai ia ki tiar ba u Kaliph u phah lam. U Syiem Serendip u dap da ka jing-kmen ban ioh ia ka shithi bad ki jingai sngewbha ba phah lam u Kaliph.

“Ki tiar kiha kordor bad ba itynnad bad kine kin sa long kum ka sakhi ia ka jing-iadei paralok jong ngi ar hima,” la ong u Syiem” “namarkata sa ai ka jingkhublei ba kyrpang ia u Kaliph. Bad phi pat phi dei ban da shong da sah aram hangne kumba katto katne por.”

“Khublei shibun syiem kynrad,” nga la jubab, “ngam banse ban leit noh namar ba nga kwah ban shong thait ha la shong.” Kumta shwa ban ia khlad u ai ia nga kawei ka jingai sngewbha kaba yn sah jingkynmaw ia u.

Nga tang shu rung ha ka jhad, ka jhad ka mib noh artat Ym pat shym jingai ba ngi iaid ngi ia kynduh ia kawei ka jhad jong ki nong-lute bad kine hadien ba ki lute ia ki tiar ki tar, ki teh ki khum ia ngi bad nangta ki ialam ia ngi sha ri nongwei bad ynda poi hangta ki sa die mraw ia ngi.

Nga donbok ba la thied ia nga da uwei u nongkhahi ba riewspah, bad ba bha. U pynthied ia nga da ki jain ki nep thymmai bad nga ban nga dih kumba bam hi ma u. Ynda u la tip ba nga beit bha ha ka siat kbnam, u ialam ia nga ha kawei ka sngi sha kawei ka khlaw bad u pyni ia uwei u diengbah uba jrong bad u ong:

“Nga kwah ba phin shong halor utei u dieng bad hadien katto katne por phin sa iohi shi kynhun ki hati khlaw ba iaia na trai une u dieng. Nangta siat katto katne kiba heh bad hadien kata sa wan ai khubor ia nga.” Nangta u leit noh bad iehnoh ia nga weibriew.

Nga shong hangta halor dieng baroh shimiet hynrei ym don hati. Ha ka step ba bud shwa ba ngan khreh hiar, wan mih shi kynhun ki hati. Nga siat ia uwei uba heh tam na ki bad u iap ha shen.

Ynda kata ka kynhun ka la jah, nga sa hiar na dieng bad her bak bak sha iing ban iathuh. Ynda la dep bam dep dih nga bad u trai ngi sa leit sha khlaw ngi da rah ia ki tiar ki tar ban ot ia ki bniat. U trai u kmen haduh katta katta ba um pat ju ioh kum kita ki bniat. Ynda la dep phut ngi sa pynkit sha iing

Naduh kata ka sngi ka kam jong nga ka dei tang ban shu siat hati. Kumta man

ka step nga leit sha khlaw dang ngir ban siat hati bad man ka sngi ngam ju duh uwei ne artylli ki hati. Ha kane ka rukom u trai u la kylla long uba kham riewspah shuh shuh na ka jingkhahi bniat.

Ar bnai hadien jia kaei re kaei kaba phylla. Katba nga dang shong halor uta u dieng uba nga ju siat hati, wan mih shi kynhun ki hati. Kine ha ka jaka ba kin iaid la ka lynti kumba ju leh, ki tawiar pynban ia uta u dieng ba nga shong. Nangta baroh baroh ki khmied sha nga. Mynta nga nga la her syrngiew namar nga ngeit kin sa pynhiar kput ia nga ba nga la pyniap bun ki hati.

Hapdeng jong kata ka kynhun don uwei uba heh bha sriem kum uto uba nga siat ha ka sien ba nyngkong. Une u wan beit beit sha u dieng ba nga shong bad rat ia u naduh tynrai bad pynthiah ha madan. Nga pat nga shu khaprip ngain bad pynkhreh ban shah iap. Hynrei kaba phylla ka long ba u shim ia nga da u luta bad buh halor ka met jong u. Nga peit mat kdar bad mynta nga lyngngoh shano un ialam ia nga. U kit ianga sha ka jaka ba lum bha bad hangta u pynhiar ia nga khlem da pynmynsaw ei ei bad nangta u sa iaid la ka lynti ryngkat bad kata ka kynhun.

Nalor jong kata ka jaka nga lah ban iohi kyndiang ia kawei ka them kaba iar

kaba la saphriang da ki bniat hati bad ki shyieng ki shruh jong ki hati ba la iap.

Mynta nga sngewthuh ba uta u hati u kwah ban pyni ia nga ia ka jyntep jong ki hati khnang ban pynsngewthuh ia nga ba ngam dei shuh ban pyniap hati namar ba na kane ka jaka nga lah ban ioh katba nga mon ki bniat hati.

Nangta nga her mar mar sha iing bad hadien arsngei nga sa poi iing. Ka jingjah jong nga ka la pynlyngngoh ia u trai bad hadien ba ngam shym poi iing u leit ban peit sha ka jaka ba nga ap hati bad ynda u la iohi ia u dieng ba la rat tyllong u sa ngeit ba nga la shah pyniap

U kyndit shuit da ka jinglyngngoh haba u iohi ba nga poi iing. Hadien ba nga la iathuh ia ki jingjia baroh bad kumno ba la pyni ia nga ia kata ka jyntep hati hangta u dap da ka jingkmnen bad kumta ha kawei ka sngi ngi sa ia leit lang ban peit ia ka. Ba naduh kata ka sngi ngam ju siat hati shuh bad ngi shu leit shim beit ia ki bniat na ka jaka kat ba ngi donkam

Ha kawei ka sngi u kynrad u ong ia nga:
 “Nga bad ki para nongkhahi ngi sngewkmnen shibun ba ngi la lah ban ioh bniat na kane ka jyntep ki hati da ka jingiarap jong phi, namarkata ngan pyllait noh ia phi na ka


jinglonglong mraw bad phi lah ban ioh pat ia la ka jinglailuid. Tang shu poi ka jhad nga hi dalade ngan leit buh ia phi ha ka jhad bad nangta phin sa lah ban leit suk " Khyndiat sngi hadien kat wan poi ka jhad bad u kynrad u leit buh ia nga kumba u la kular u da ai bun tylli ki bniat hati ia nga ban khaji. Ha ka lynti iaid nga khaji bniat hati artat bad kumta nga iohnong shibun bah. Kumta ha kane ka sien ruh hadien ki jingeh ba bun nga la kit ka spah ka hajar kaba heh.

Ynda nga la poi ha Bagdad, nga leit ia shem ia u Kaliph bad iathuh ia u ia ka apot ba la wan hap shop ha nga ha kane ka jingleit ba khatduh "Mynta nga tip shai ba phi dei u riewshlur uba khraw tam ha ka pyrtbei bad ban pynsah jingkybmaw ia ka nam jong phi, dei ban thoh ia kine ki kam shlur jong phi da ki dak ksiar bad buh ha ka thup jingkybshew spah ka hima." La pyndep ia kane da ki nongthoh kot ba pawnam jong ka iing syiem tang hagdeng khyndiat por.

Nangta nga sa shong aram ha shnong khlem da leit duriaw shuh, Hynrei ha iing jong nga wan poi la jan man la ka por ki briew kiba duk bad shitom bad ngam ju phah thylli ia ki khlem da ai ei ei la ha ka dur jong ka pisa tyngka, ne jingbam jingdih, ne jain bad nep namar ba nga ngeit ba da kaba nga iarap ia kiba duk ba shitom, nga ioh ban kynshew ia ka spah ka ban neh sha

kawei pat ka jingim hadien ka jingiap bad da kaba nga leh kumne nga shem ia ka jingsuk ha ka jingmut jingpyrkhat bad ha ka mynsiem jong nga. Bad dei hangne ba ka jingleit ba khatduh jong nga ka kut artat. Nangta u phai sha u Hindbad bad u ong: Mynta nga ngeit phi la sngewthuh ba lyngba ki jingeh kiba khraw ba nga sa ioh ia kane ka spah bad kumta nga dawa ban im suk.

U Hindbad u pan map biang sa shisien ba u la kum kren bakla myrshwa. Da ka khmat ba phuhsamrkhie u Sindbad u ong ba u la lah map lupa ia u bad ba nadien kane u dei ban iehnoh ka kit bhari bad ban wan bam man ka sngi ha iing Kumba ju leh mynshwa u ai biang kawei ka muna dong ba shlei da ki tyngka.



SHILONG
JHARKHAND

WIND. S.W. 17-24 Kts
SEA. S.W. 1-2 ft
W. 1-2 ft. S.W. 1-2 ft.